fis Interompant de temps en temps La priere, puis ils sadrefferent au St. par vne priere que ie leur fis faire et quils repeterent plusieurs fois pour animer leur Confience enuers leur fainct Protecteur. Les plus feruents firent paroiftre vne ardeur admirable pour scauoir au plustost cette priere, et quelques Iours apres ils LIncererent dans leurs prieres ordinaire et on La fait maintenant quatre fois le Iour deux fois dans les Cabanes et deux fois dans LEglife. quoy que ie ne les fis pas Communier le Iour de La mort de St. François de sales par ce qu'ils auoient communié trois Iours auparauant ils ne Laifferent pas que de passer presque tout le Iour en prieres: apres La messe ie leur fis vne Instruction sur les actions les plus Confiderables du St. et pendant vn mois Iufquau 29 de Ianuier que LEglife affigne pour honorer ce St, ie tachois dans les cabanes dans les Inftructions particulieres d'infpirer a tous vne tendre Confience en La protection de St. francois de fales Le 29. de Ianuier nous dressames de nouueau vn Autel mais beaucoup plus richement orné que le Premier. Le Reuerand Pere Superieur General de toutes nos missions de Canada donna le plus bel ornement de cet Autel qui fut vne tres grande Image de St. Francois de Sales fur du fatin. ie La fis enricher dyne gde. bordure dor et Dargent. ie peu dire que ie nay point veu en france de plus belle Image de St. Francois de Sales ny de mieux enrichie que lest celle la iay eu mesme pour vous le dire franchement quelque scrupule sur la Despence que iay fait pour cela estant fy pauure que ie nay pas mefme de quoy auoir les viures necessaires pour Lentretien de nostre Mission